



Directivas davart il pajament da contribuziuns per las direcziuns da scolas

Sa basond sin l'art. 98 da la Lescha davart las scolas popularas dal chantun Grischun
(Lescha da scola) dals 21 da mars 2012

Relaschadas dal Departament d'educaziun, cultura e protecziun da l'ambient ils 20 da mars 2013
(Versiun dals 30 da zercladur 2022)

Art. 1

Questas directivas concretiseschan las premissas minimalas per il dretg da survegnir contribuziuns.

Object

Art. 2

¹ Las direcziuns da scola sa cumponan d'ina u da pliras personas; ina persona sto vegnir designada sco persona da contact cun l'Uffizi per la scola populara ed il sport (uffizi).

Models da
direcziuns da scola
ed engaschament

² Il pensum da lavur minimal da 20 pertschient d'ina piazza sto vegnir observà d'almain ina mainascola u in mainascola cun dretg da survegnir contribuziuns.

³ Las cundiziuns d'engaschament da personas che adempleschan incumbensas da mainascola e che instrueschan a medem temp, ston vegnir separadas.

Art. 3

Las incumbensas e las obligaziuns da la direcziun da scola ston vegnir fixadas en in carnet d'obligaziuns che vegn sutscrit da la mainascola u dal mainascola sco er d'ina commembra u d'in commember dal cussegl da scola.

Carnet d'obligaziuns

Art. 4

La responsabladad per la direcziun operativa da la scola è chausa da la direcziun da scola, e quai per incumbensa dal purtader da scola. Latiers tutga la direcziun operativa en ils secturs da la pedagogia, da la pedagogia speziala, dal personal, da l'organisaziun e da l'administraziun sco er da las finanzas.

Obligaziuns e
cumpetenzas da la
direcziun da scola
a) princip

Art. 5

La direcziun operativa en ils secturs da la pedagogia e da la pedagogia speziala cumpiglia en spezial:

b) pedagogia

- la responsabladad per il svilup e per la garanzia da la qualitat da la scola e da l'instrucziun;
 - l'assistenza da projects communal per il svilup da la scola;
 - visitas da l'instrucziun;
 - la promoziun da la collavuraziun pedagogica da las personas d'instrucziun e da las personas spezialisadas;
-

- e) la cunresponsablidad per decisiuns che concernan la carriera da scola;
- f) la coordinaziun en ils secturs da l'integraziun e da las mesiras pedagogic-terapeuticas.

Art. 6

La direcziun operativa en il sector dal personal cumpiglia en spezial:

c) personal

- a) la direcziun da las personas d'instrucziun e da las personas spezializadas, da las pedellas e dals pedels sco er da l'ulteriur personal da scola;
- b) la planisaziun dal personal e l'organisaziun da las substituziuns;
- c) la controlla che las personas d'instrucziun e las personas spezializadas adempeschian l'incumbensa professiunala;
- d) la responsablidad per ils discurs cun las collavuraturas ed ils collavuratur;
- e) la planisaziun e la coordinaziun da la furmaziun supplementara da las personas d'instrucziun e da las personas spezializadas;
- f) la proposta per l'elecziun resp. per la relaschada da personas d'instrucziun e da personas spezializadas;
- g) l'introducziun e l'assistenza da novas personas d'instrucziun e da novas personas spezializadas.

Art. 7

La direcziun operativa en ils secturs da l'organisaziun e da l'administraziun cumpiglia en spezial:

c) organisaziun ed administraziun

- a) l'execuziun e la surveglianza da las disposiziuns giuridicas sco er l'organisaziun da la scola (planisaziun da l'onn e program da scola, uraris e plans dals pensums, repartiziuns da las classas, organisaziun da las localitads);
- b) la collavuraziun cun l'uffizi competent;
- c) il management da crisas.

Art. 8

La direcziun operativa en il sector da las finanzas cumpiglia en spezial:

e) finanzas

- a) la planisaziun e la controlla dal preventiv en il rom da las disposiziuns chantunalas e communalas;
- b) la competenza da far expensas en il rom che vegn definì dal purtader da scola.

Art. 9

1 ... *

2 ... *

3 ... *

4 ... *

Art. 10

¹ L'uffizi po manar tras occurrenzas obligatoricas, en spezial per infurmar e per declarar concepts e projects dal chantun.

Interfatschas ad instanzas chantunalas

² L'uffizi sustegna las direcziuns da scola en dumondas pedagogicas ed organisatoricas.

Tabella da las modificaziuns

Conclus	Entrada en vigur	Element	Midada
USS / DD nr. 221 dals 20-03-2013	20-03-2013	emprim relasch	
USS / DD nr. 608/2016 dals 15-04-2016	15-04-2016	art. 9 al. 3 e 4	integrà
USS / DD nr. 1229/2022 dals 30-06-2022	01-08-2022	art. 9 al. 1, 2, 3 e 4	aboli